

ত্রিপুরা সরকার
তথ্য ও সংস্কৃতি অধিকার

স-৩৪১১

আগরতলা, ২৭ অক্টোবর, ২০২৫

করবুক মহকুমার ভারত-বাংলাদেশ সীমান্তে
সাধারণ জনগণের চলাচলে বিধিনিষেধ জারি

গোমতী জেলার করবুক মহকুমার ভারত-বাংলাদেশ সীমান্ত এলাকায় শান্তি ও সুস্থিতি রক্ষায় গোমতী জেলার জেলাশাসক এক আদেশে লবকান্তপাড়া বিওপি থেকে চাপলিনছড়া বিওপি পর্যন্ত আন্তর্জাতিক সীমান্ত থেকে ৩০০ মিটারের মধ্যে সাধারণ মানুষের চলাচলে কিছু বিধিনিষেধ জারি করেছেন। এই নিষেধাজ্ঞা ২৭ অক্টোবর, ২০২৫ থেকে ২৬ ডিসেম্বর, ২০২৫, সন্ধ্যা ৬টা থেকে সকাল ৬টা পর্যন্ত বলবৎ থাকবে। ভারতীয় নাগরিক সুরক্ষা সংহিতা (বিএনএসএস)-র ১৬৩নং ধারায় জেলাশাসক এই নিষেধাজ্ঞা জারি করেছেন।

জেলাশাসক আদেশে জানিয়েছেন, সংশ্লিষ্ট কর্তৃপক্ষের অনুমোদন ছাড়া উল্লেখিত দিনগুলিতে সন্ধ্যা ৬টা থেকে সকাল ৬টা পর্যন্ত চার জনের অধিক লোক জমায়েত করতে পারবেন না। কর্তব্যরত পুলিশ/সিআরপিএফ/বিএসএফ কর্মী ছাড়া কেউ লাঠি, আগ্নেয়াস্ত্র ও অন্যান্য অস্ত্র নিয়ে চলাফেরা করতে পারবে না। পুলিশ ও সরকারি কাজে কর্তব্যরত ব্যক্তি এবং ৩০০ মিটারের মধ্যে বসবাসকারী জনগণ এই নিষেধাজ্ঞার আওতার বাইরে থাকবেন। আদেশ অমান্যকারীর বিরুদ্ধে আইনানুগ ব্যবস্থা গ্রহণ করা হবে।
